

JP NIO SLUŽBENI LIST BiH
SARAJEVO

Broj: 5-1-05-1-115/18-15
Sarajevo, 16.09.2015. godine

Na osnovu čl. 69. 70. i 71. Zakona o javnim nabavkama Bosne i Hercegovine („Službeni glasnik BiH“, broj 39/14), člana 23. Statuta JP NIO Službeni list BiH, te prijedloga Komisije za javne nabavke donosim

ODLUKU

o poništavanju postupka javne nabavke usluge štampanja službenih glasila, LOT 3- Usluga štampanja „Službenih novina Kantona Sarajevo“

I

Poništava se postupak javne nabavke usluge štampanja službenih glasila, LOT 3- Usluga štampanja „Službenih novina Kantona Sarajevo“ putem otvorenog postupka koje je objavljeno na Portalu javnih nabavki, (obavještenje o nabavci broj: 195-1-2-49-3-14/15 od 10.07.2015. godine) iz razloga navedenog u članu 69. 2 d)- nijedna od primljenih ponuda nije prihvatljiva.

II

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku usluge štampanja službenih glasila, LOT 3- Usluga štampanja „Službenih novina Kantona Sarajevo“ proveo otvoreni postupak nabavke.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-115/10-15 od 01.09.2015. godine utvrdila da ponuda ponuđača UNIONINVESTPLASTIKA d.d. Sarajevo nije formalno prihvatljiva u skladu sa članom 68. (4) i) Zakona o javnim nabavkama.

Analizom formalno prihvatljivih ponuda Komisija je Zapisnikom o ocjeni ponuda utvrdila rang listu ponuda prema kriterijima za izbor ponude kako slijedi:

1. GIK OKO d.d. Sarajevo sa 100,00 bodova

Izabrani ponuđač GIK OKO d.d. Sarajevo je izabran primjenjujući kriterij ekonomski najpovoljnije ponude, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno, dana 02.09.2015. godine donesena je Odluka o izboru najpovoljnijeg ponuđača, broj:5-1-05-1-115/14-15.

Izabrani ponuđač GIK OKO d.d. Sarajevo je bio obavezan u roku od 5 dana od dana prijema odluke o izboru najpovoljnijeg ponuđača dostaviti uvjerenja iz tačke 7.1.3 Tenderske dokumentacije a u skladu sa članom 45. Zakona o javnim nabavkama BiH.

U predviđenom roku izabrani ponuđač je dana 09.09.2015. godine dostavio tražena uvjerenja iz tačke 7.1.3 Tenderske dokumentacije **izuzev uvjerenja izdatog od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem indirektnih poreza.** Kako izabrani ponuđač nije ispunio svoju obavezu u potpunosti, ugovorni organ je obavezan postupiti u skladu sa članom 72. Zakona o javnim nabavkama BiH, odnosno tačkom 9.8.4. Tenderske dokumentacije, gdje je propisano slijedeće:

“Ugovorni organ će dostaviti prijedlog okvirnog sporazuma ponuđaču čija je ponuda na rang listi odmah iza ponude izabranog ponuđača, ako izabrani ponuđač:

- propusti da dostavi originale ili ovjerene kopije dokumenata iz člana 45. i 47. Zakona, ne starije od tri mjeseca od dana dostavljanja ponude, u roku koji odredi ugovorni organ....“

Obzirom da je u predmetnom postupku nabavke bila samo jedna prihvatljiva ponuda, i to ponuda izabranog ponuđača GIK OKO d.d. Sarajevo, a koji nije ispunio obaveze iz tačke 7.1.3 Tenderske dokumentacije, što ponudu navedenog ponuđača čini neprihvatljivim, Komisija donosi zaključak da su ispunjeni uslovi iz člana 69. stav 2. d) Zakona o javnim nabavkama BiH za poništavanje postupka nabavke, te je predloženo poništavanje postupka.

Članom 69. stav (2) tačka d). Zakona o javnim nabavkama BiH propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći navedenu zakonsku odredbu kao i prijedlog Komisije, donesena je odluka kao u dispozitivu.

PRAVNA POUKA:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

DOSTAVLJENO:

1. GIK „OKO“ d.d. Sarajevo
2. UNIONINVESTPLASTIKA d.d. Sarajevo
3. Komisiji za javne nabavke
4. a/a.

v.d. DIREKTOR
Dragan Prusina